

T-13

Na osnovu člana 16. stav 4. Zakona o Vladi Zeničko-dobojskog kantona - Prečišćen tekst («Službene novine Zeničko-dobojskog kantona», broj 7/10 i 3/23), a u vezi sa članom 112. stav 1. Poslovnika Skupštine Zeničko-dobojskog kantona - Četvrti prečišćeni tekst ("Službene novine Zeničko-dobojskog kantona", broj: 5/24), razmatrajući Inicijativu Omera Škalje, zastupnika u Skupštini Zeničko-dobojskog kantona, za donošenje Zakona o kantonalnoj televiziji, na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 72. sjednici, održanoj dana 14.03.2025. godine, d o n o s i

ZAKLJUČAK

I

Prihvata se Mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona broj: 12/02-1-02-19761-1/24 od 10.03.2025. godine o Inicijativi Omera Škalje, zastupnika u Skupštini Zeničko-dobojskog kantona, za donošenje Zakona o kantonalnoj televiziji.

II

Zaključak s Mišljenjem iz tačke I ovog zaključka upućuje se u dalju skupštinsku proceduru.


III

Zaključak stupa na snagu danom donošenja.

Broj: 02-02-4818 /25
Datum, 14.03.2025. godine
Zenica

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,
1x Stručna služba Skupštine,
1x a/a.





Broj: 12/02-1-02-19761-1/24
Zenica, 10.03.2025. godine

ZENIČKO-DOBOJSKI KANTON
VLADA

- n/r Premijera
- n/r Sekretara

PREDMET: Mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona o Inicijativi Omera Škalje, zastupnika u Skupštini Zeničko-dobojskog kantona, za donošenje Zakona o kantonalnoj televiziji, dostavlja se

VEZA: Vaš akt: broj: 02-1-02-19761-2/24 od 10.02.2025. godine

Poštovani,

Postupajući po aktu Stručne službe Vlade, broj: 02-1-02-19761-1/24 od 09.12.2024. godine i broj: 02-1-02-19761-2/24 od 10.02.2025. godine, a u vezi sa članom 112. stav 1. Poslovnika Skupštine Zeničko-dobojskog kantona – Četvrti prečišćeni tekst ("Službene novine Zeničko-dobojskog kantona", broj: 5/24), Ministarstvo za prostorno uređenje, promet i komunikacije i zaštitu okoline Zeničko-dobojskog kantona, daje s l i j e d e ć e

MIŠLJENJE

o Inicijativi Omera Škalje, zastupnika u Skupštini Zeničko-dobojskog kantona, za donošenje Zakona o kantonalnoj televiziji.

Ministarstvo za prostorno uređenje, promet i komunikacije i zaštitu okoline Zeničko-dobojskog kantona smatra da je podnesena inicijativa osnovana, uz uslov da se prije prihvatanja predmetne Inicijative prethodno pribavi Mišljenje/Izjašnjenje Ministarstva finansija po pitanju finansijske opravdanosti osnivanja Javnog medijskog servisa Kantonalne televizije, odnosno projekcije finansijskih mogućnosti finansiranja budućeg Javnog medijskog servisa Zeničko-dobojskog kantona.

Predmetnu inicijativu smatramo opravdanom iz slijedećih razloga:

Zastupnik u Skupštini Zeničko-dobojskog kantona Omer Škaljo u Obrazloženju Inicijative podnesene na 33. sjednici Skupštine navodi slijedeće:

„Imajući u vidu činjenicu da skoro svi kantoni Federaciji Bosne i Hercegovine imaju svoje kantonalne televizije, kojima se značajno poboljšava medijsko praćenje rada kantonalne Vlade i kantonalne Skupštine, te upoznavanje građana Kantona sa radom istih i time doprinosi njihovoj većoj informisanost onačinima ostvarivanja njihovih zakonom utvrđenih prava, kao i boljoj informisanosti privrednih subjekata o raznim poticajnim i drugim mjerama usmjerenim cilju pomoći privrednom sektoru, podnosim ovu Inicijativu kojom predlažem da se i u Zeničko-dobojskom kantonu osnuje kantonalna televizija.

Smatram da za osnivanje kantonalne televizije postoji neophodna potreba, te da će formiranje iste biti od velike koristi za cijeli Zeničko-dobojski kanton, sve njene građane i privrednike.



fs

Procesi demokratizacije i tranzicije društva na području Federacije Bosne i Hercegovine i Zeničko-dobojskog kantona nalažu potrebu osiguranja prava građana na objektivno i profesionalno informiranje o događajima od opšteg interesa.

S ciljem zadovoljavanja te potrebe smatram da je nužno formiranje Javnog servisa Kantonalna radio-televizija. S tim u vezi napominjem da inicijativa o formiranju Kantonalne radio-televizije u Zeničko-dobojskom kantonu postoji od perioda formiranja Kantona.

Zeničko-dobojski kanton čine 9 općina i 3 grada koje se nalaze na komunikacijski raznolikom geografskom prostoru. Naime, u razmatranju inicijative za formiranje Javnog servisa Kantonalne radio televizije u Zeničko-dobojskom kantonu ne možemo zanemariti geografski položaj Kantona. Formiranjem Javnog servisa bi se obzirom na činjenicu o teritorijalnoj razuđenosti općina odnosno gradova, (posebno općina na rubnim područjima Kantona: Usora, Tešanj, Doboj Jug, Olovo, Breza, Grad Visoko i Vareš), postigao osnovni cilj objektivnog informiranja građana na području cijelog Kantona.

Javni servis Kantonalna radio-televizija bi trebao nepristrasno i objektivno informisati građane a događajima i pojavama od javnog interesa u općinama, Kantonu, zemlji i inostranstvu. Javni servis bi trebao poštovati podsticati pluralizam političkih, religijskih drugih ideja, te omogućiti javnosti da bude upoznata sa tim idejama. Projekat formiranja RTV, čiji program bi se emitirao na području cijelog Zeničko-dobojskog kantona, je društveno opravdan jer bi se medijski približile i komunikacijski povezale sve općine na području Kantona.

Postoji objektivna društvena potreba za osnivanjem Javnog servisa Kantonalna radio-televizija, za što je preduslov donošenje Zakona o kantonalnoj televiziji“.

Ovom prilikom ističemo da je Zeničko-dobojski kanton i ranije imao inicijative za osnivanje javnog servisa Kantonalna radio-televizija te je u tom smislu 2012. godine bila imenovana Interdisciplinarna radna grupa za izradu Informacije o opravdanosti osnivanja Javnog servisa Kantonalna radio-televizija koja je izradila Informaciju koju je Vlada razmatrala na 87. sjednici održanoj 21.11.2012. godine.

Tom prilikom Vlada je donijela Zaključak kojim je Interdisciplinarna radna grupa zadužena da dostavi Vladi kraću informaciju koja će sadržavati podatke o modalitetu formiranja i načinu funkcionisanja internih televizija u BiH i sličnih televizija u zemljama u okruženju.

Međutim, nije nam poznato da je pomenuta Interdisciplinarna radna grupa ponovo izradila i Vladi i Skupštini dostavila traženu Informaciju.

Kad je u pitanju, Inicijativa zastupnika Omera Škalje od 27.11.2024. godine, ovo Ministarstvo smatra da procesi demokratizacije i tranzicije društva na području Federacije BiH i našeg Kantona nalažu potrebu osiguranja prava građana na objektivno i profesionalno informiranje o događajima od općeg interesa.

Ističemo da Zeničko-dobojski kanton čini 12 gradova i općina koje se nalaze na komunikacijski veoma raznolikom geografskom prostoru, te se ne može zanemariti činjenica da bi s obzirom na geografski položaj i činjenicu o teritorijalnoj razuđenosti rubnih općina u kantonu formiranje Javnog servisa na postojećim tehničkim konceptima u okviru postojeće mreže predajno-prijemnog radio-tv sistema, osnovni cilj informiranja građana na području cijelog Kantona učinilo irelevantnim.

Kad su u pitanju pravni propisi koji regulišu oblast javnog informisanja Zakonom o javnom radiotelevizijskom sistemu Bosne i Hercegovine uređuju se Javni radiotelevizijski sistem u Bosni i Hercegovini i odnosi tri javna RTV servisa i zajedničkog pravnog subjekta unutar tog sistema, kao i njegova djelatnost i organizacija.

U okviru Javnog radiotelevizijskog sistema u Bosni i Hercegovini realiziraju se principi i obaveze predviđeni ovim zakonom i drugim važećim zakonima u oblasti javnog emitiranja.

Javni RTV servis je fizičko ili pravno lice s uredničkom odgovornošću za pripremu usluge radio, televizijskog i multimedijalnog programa namijenjenog emitiranju za javnost ili proizvodnju i prijenos programa za treća lica u smislu ovog zakona.

Javni RTV servisi imaju pravo prenositi program preko zemaljske mreže, satelita, kabla, interneta ili drugih tehničkih sredstava. Oni mogu pružati usluge teleteksta i uključiti se u svako novo polje odašiljačke tehnologije ili servisa u najširem smislu riječi.

Javni RTV servisi samostalni su u obavljanju djelatnosti, imaju uređivačku nezavisnost i institucionalnu autonomiju.

Zakonom o komunikacijama („Službeni glasnik BiH“, broj 31/03, 75/06 i 32/10) se regulira oblast komunikacija u Bosni i Hercegovini i uspostava i rad Regulatorne agencije za komunikacije Bosne i Hercegovine u skladu sa Ustavom Bosne i Hercegovine, koji predviđa uspostavu i funkcioniranje zajedničkih i međunarodnih komunikacijskih sredstava.

Kad je u pitanju Zeničko-dobojski kanton, Ustavom Zeničko-dobojskog kantona („Službene novine Federacije BiH“, broj 7/96 i „Službene novine Zeničko-dobojskog kantona“, broj 1/96, 10/00, 8/04 i 10/04) utvrđeno je da je Kanton nadležan za utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji, te da Skupština Kantona donosi zakone i ostale propise za izvršavanje kantonalnih nadležnosti.

Na području Zeničko-dobojskog kantona u primjeni je Zakon o javnom informisanju („Službene novine Zeničko-dobojskog kantona“, broj 13/98). Zakonom o javnom informisanju je propisano između ostalog šta je sloboda informisanja, šta su javna glasila, ko i kako se može osnovati javno glasilo (između ostalog programi radija i televizije-radiodifuzija), te vođenje evidencije javnih glasila Kantona. Ovim Zakonom nisu regulisani uslovi i način obavljanja djelatnosti javnog informisanja.

Kada je u pitanju osnivanje Javnog servisa Kantonalna radio-televizija na području Zeničko-dobojskog kantona, imajući u vidu ustavnu nadležnost, te odredbe navedenog zakona, Skupština Kantona može donijeti propis kojim bi se regulisao rad i djelatnost Radio-televizije Zeničko-dobojskog kantona radi obavljanja djelatnosti javnog informisanja s ciljem ostvarivanja prava konstitutivnih naroda zajedno sa ostalim kao i prava građana Zeničko-dobojskog kantona na informisanje, kao i zadovoljavanje njihovih kulturnih, obrazovnih i drugih potreba. Na osnovu donesenog propisa (osnivački akt), Radio-televizija Zeničko-dobojskog kantona upisuje se kao javno preduzeće u sudski registar kod nadležnog suda u sjedištu.

Propis o osnivanju Javnog preduzeća Radio-televizija Zeničko-dobojskog kantona d.o.o., ukoliko se bude donosio, mora biti usklađen sa Zakonom o javnim preduzećima u Federaciji BiH, Zakonom o privrednim društvima i drugim važećim propisima.

Također, smatramo potrebnim napomenuti da, u slučaju osnivanja, Javno preduzeće Radio-televizija Zeničko-dobojskog kantona d.o.o. mora imati dozvolu za emitovanje programa na frekvencijama koje odobrava Regulatorna agencija za komunikacije BiH shodno odredbama Zakona o komunikacijama BiH, bez koje ne mogu raditi. Tražene-dodijeljene frekvencije moraju biti dovoljne da bi se osiguralo da što veći broj stanovnika u Kantonu može imati nesmetan prijem programa kantonalne radio-televizije, u mjeri u kojoj je to praktično izvodljivo.

Naime, Regulatorna agencija za komunikacije raspoložive frekventne resurse dodjeljuje isključivo putem javnog poziva, na način i pod uslovima kako je to definisano RAK Pravilom 55/2011 o pružanju audiovizuelnih medijskih usluga („Službeni glasnik BiH“, broj: 98/11), a s obzirom da je Bosna i Hercegovina u procesu planiranja prelaska sa analogne na digitalnu zemaljsku radiodifuziju te se raspisivanje narednog javnog poziva se ne očekuje dok se taj proces ne okonča. Naime, postoji mogućnost uspostave TV kanala koji bi se eventualno emitovao putem elektronskih komunikacija (kablovska, satelit, IPTV...), a RAK trenutno u skladu sa Pravilom 55/2011 o pružanju audiovizuelnih medijskih usluga, može izdati samo Dozvolu za televizijsko emitovanje koje se vrši putem elektronskih komunikacijskih mreža (kabl, satelit, IPTV, internet...), odnosno samo digitalno zemaljsko emitovanje.


Zahtjev za dodjelu dozvole za televizijsko emitovanje koje se vrši putem drugih elektronskih komunikacijskih mreža mogu podnijeti sva fizička i pravna lica sa sjedištem u Bosni i Hercegovini koja su, u skladu sa zakonom, registrovana za odgovarajuće djelatnosti na osnovu važeće klasifikacije djelatnosti u Bosni i Hercegovini, a koja su do dana podnošenja zahtjeva izmirila sve dospjele finansijske obaveze prema Agenciji nastale po bilo kom osnovu. U tom smislu, budućoj kantonalnoj TV bi emitovanje programa u skladu sa navedenom dozvolom otvorilo eventualnu mogućnost programsko-tehničke saradnje sa postojećim televizijskim stanicama, u smislu zajedničke proizvodnje/koprodukcije, razmjene ili reemitovanja programskih sadržaja.

Za digitalnu zemaljsku televiziju se plaća i godišnja naknada u nama nepoznatom iznosu (oko 300 – 400 hiljada KM godišnje).

Osim toga, postavlja se pitanje obezbjeđenja potrebnih finansijskih sredstava iz Budžeta Kantona za osnivanje, uspostavu i funkcionisanje javnog preduzeća koje bi imalo funkciju javnog radio-televizijskog emitera na području Zeničko-dobojskog kantona, o čemu bi se moralo izjasniti i Ministarstvo finansija.

Zaključno, smatramo da postoji objektivna društvena potreba za osnivanjem Javnog servisa Radio-televizija Zeničko-dobojskog kantona. Taj Javni servis bi djelovao kao posebno pravno lice iz razloga što se na ovaj način, osigurava objektivno i kontinuirano informisanje građana Kantona, vlastita produkcija, dosljedna programska orijentacija, odnosno sama svrha postojanja ovakvog javnog servisa na području Zeničko-dobojskog kantona.

Imajući u vidu naprijed navedeno, smatramo opravdanom Inicijativu Omera Škalje, zastupnika u Skupštini Zeničko-dobojskog kantona, za donošenje Zakona o kantonalnoj televiziji, uz naznaku da smatramo potrebnim da se o istoj očituje i Ministarstvo finansija u pogledu obezbjeđenja potrebnih sredstava, kao i Ministarstvo pravosuđa i Sekretarijat za zakonodavstvo po pitanju pravnog osnova za donošenje osnivačkog akta i usklađenosti za važećim pravnim propisima.



MINISTAR

(Adnan Šabani)

AS



02
[Signature]

Broj: 02-1-02-19761-2/24
Zenica, 10.02.2025. godine

**MINISTARSTVO ZA PROSTORNO UREĐENJE
PROMET I KOMUNIKACIJE I ZAŠTITU OKOLINE
N/R MINISTRA**

PREDMET: Inicijativa za donošenje Zakona o kantonalnoj televiziji Zeničko-dobojskog kantona, podnositelja Škaljo Omera, poslanika u Skupštini Zeničko-dobojskog kantona, *traži se...*

Veza: Akt Stručne službe Skupštine Zeničko-dobojskog kantona broj:01-02-19761/24 od 28.11.2024.godine

Stručna služba Skupštine Zeničko-dobojskog kantona je aktom broj: 01-02-19761/24 od 28.11.2024.godine, dostavila Vladi Zeničko dobojskog kantona Inicijativu za donošenje Zakona o kantonalnoj televiziji, podnesenu od strane Škaljo Omera, poslanika u Skupštini Zeničko-dobojskog kantona, radi davanja mišljenja Vlade shodno odredbaa člana 111. i 112. Poslovnika Skupštine Zeničko-dobojskog kantona.

Navedena Inicijativa Vam se prosljeđuje na postupanje kao nadležnom ministarstvu za postupanje, te je potrebno u skladu sa odredbama Poslovnika u radu Vladu Zeničko-dobojskog kantona („Službene novine Zeničko-dobojskog kantona“, broj:10/21) dostaviti zaključak sa mišljenjem, radi razmatranja istog na sjednici Vlade Zeničko-dobojskog kantona.

Ministarstvo za pravosuđe i upravu kao i Ministarstvo za obrazovanje, nauku, kulturu u sport su dostavili odgovore, a iz kojih proizilazi isključiva nadležnost Ministarstva za prostorno uređenje, promet i komunikacije i zaštitu okoline za postupanje po navedenoj Inicijativi.

Prilog:

1. Akt Ministarstva za obrazovanje, nauku, kulturu i sport broj 10-1-02-1976-1-1/24 od 04.02.2025.godine
2. Akt Ministarstva za pravosuđe i upravu broj: 06/02-02-197861-2/24 od 13.12.2024.godine

Dostavljeno:

Naslovu
1x a/a



SEKRETAR VLADE

Nedžad Mulagić

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
MINISTARSTVO ZA OBRAZOVANJE,
NAUKU, KULTURU I SPORT



Bosnia and Herzegovina
Federation of Bosnia and Herzegovina
ZENICA-DOBOJ CANTON
MINISTRY OF EDUCATION,
SCIENCE, CULTURE & SPORT

Broj: 10-1-02-19761-1-1/24.
Zenica, 4. 2. 2025. godine

07-02-2025

10-02-2025

05 *WJ*

Vlada Zeničko-dobojskog kantona
Stručna služba
n/r sekretara

Ministarstvo za prostoro uređenje,
promet i komunikacije i zaštitu okoline

Predmet : Odgovor na zastupničku inicijativu, dostavlja

U vezi sa aktom Stručne službe Vlade, broj: 02-1-02-19761-1/24., od 09. 12. 2024. godine. u kojem je tražen mišljenje na zastupničku inicijativu postavljenu na 33. sjednici Skupštine Zeničko-dobojskog kantona, od 27. 11. 2024. godine, od strane zastupnika Omera Škalje, a koja se odnosi donošenje zakona o kantonalnoj televiziji, u prilogu Vam dostavljamo izjašnjenje resornog ministarstva, na dalje postupanje.

S poštovanjem,

DOSTAVLJENO:
1 x Naslovu,
2 x a/a 07

MINISTAR

Mirza Mušija



Na zastupničku inicijativu postavljenu na 33. sjednici Skupštine Zeničko-dobojskog kantona, od 27. 11. 2024. godine, od strane zastupnika Omera Škalje, a koja se odnosila na donošenje Zakona o kantonalnoj televiziji, Ministarstvo za obrazovanje, nauku, kulturu i sport daje sljedeći odgovor, i to:

Ministarstvo za obrazovanje, nauku, kulturu i sport Zeničko-dobojskog uvažava inicijativu zastupnika, s težnjom da se poboljša medijsko praćenje rada kantonalne Vlade i kantonalne Skupštine, te upoznavanjem građana Kantona s radom istih, što doprinosi informiranosti o načinima ostvarivanja njihovih zakonom utvrđenih prava.

Međutim mišljenja smo da, u današnjem vremenu raznih elektroničkih i društvenih medija, te brzog protoka informacija, treba izvršiti detaljniju analizu opravdanosti donošenja predloženog Zakona u svrhu osnivanja kantonalne televizije, iz razloga što je javnost već adekvatno informirana o svim aktivnostima Vlade i Skupštine Zeničko-dobojskog kantona putem službene web stranice, a formiranje kantonalne televizije bilo bi značajno dodatno opterećenje Proračuna Zeničko-dobojskog kantona.

Nadalje, odredbama članka 14. Zakona o kantonalnim ministarstvima i drugim tijelima kantonalne uprave definirane nadležnosti Ministarstva za prostorno uređenje, promet i komunikacije i zaštitu okoline, te je stavkom (1) članka 14. propisano da: „*Ministarstvo za prostorno uređenje, promet i komunikacije i zaštitu okoliša vrši upravne i stručne poslove utvrđene Ustavom, zakonom i drugim propisima, koji se odnose na ostvarivanje nadležnosti Kantona u oblasti prostornog uređenja, građenja, zaštite okoliša, komunalnih djelatnosti, prometa i komunikacija.*“, dok je stavkom (2) istog člana propisano da: „*Ministarstvo za prostorno uređenje, promet i komunikacije i zaštitu okoliša vrši upravne i druge stručne poslove koji se odnose na prvostepeni i drugostepeni upravni postupak po zakonima i aktima o provođenju tih zakona iz nadležnosti Ministarstva, priprema zakone i druge propise iz nadležnosti Ministarstva.*“

Iz prthodno navedenog prozilaži da je isključiva nadležnost za donošenje Zakona o kantonalnoj televiziji u djelokrugu Ministarstva za prostorno uređenje, promet i komunikacije i zaštitu okoline.

S poštovanjem,

MINISTAR
Mirza Mušija





Broj: 06/02-02-197861-2/24
Zenica, 13.12.2024. godine

17-12-2024

02.9.24

**STRUČNA SLUŽBA VLADE
ZENIČKO-DOBOJSKOG KANTONA**

PREDMET: Odgovor, dostavlja se

Poštovani,

Vašim aktom broj: 02-1-02-19761-1/24 od 09.12.2024. godine, ovom ministarstvu dostavili ste Inicijativu za donošenje Zakona o kantonalnoj televiziji Zeničko-dobojskog kantona, podnesenu od strane Škaljo Omera, poslanika u Skupštini Zeničko-dobojskog kantona, te u kojem između ostaloga sugerirate Ministarstvu za obrazovanje, nauku, kulturu i sport kao i Ministarstvu za prostorno uređenje, promet i komunikacije i zaštitu okoline, da "koordinirajuću ulogu o procesu pripreme mišljenja i dostavljanja materijala za razmatranje na sjednici Vlade ima Ministarstvo za pravosuđe i upravu, ukoliko se ne usaglasi da proces koordinacije izrade mišljenja i predlaganja materijala za razmatranje na sjednici Vlade preuzme neko od druga dva ministarstva."

Ovakva sugestija, odnosno određivanje nadležnosti Ministarstvu za pravosuđe i upravu po predmetnoj Inicijativi nije jasna obzirom da ista ne proizilazi iz odredaba člana 11. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15 i 8/22), gdje su jasno navedene nadležnosti ovog ministarstva.

Eventualna nadležnost ovog ministarstva u predmetnoj Inicijativi bi postojala u dijelu člana 11. stav (1) Zakona o kantonalnim ministarstvima i drugim tijelima kantonalne uprave, koji ovom Ministarstvu stavlja u nadležnost i: „druge upravne poslove koji ne spadaju u djelokrug drugog tijela uprave Zeničko-dobojskog kantona“, što u konkretnom nije slučaj obzirom da je Zakonom o komunikacijama ("Sl. glasnik BiH", br. 33/02, 31/03, 75/06, 50/08 - dr. zakon, 32/10 i 98/12) kojim je regulisana oblast komunikacija u Bosni i Hercegovini te uspostavljanje i rad Regulatorne agencije za komunikacije Bosne i Hercegovine u skladu sa Ustavom Bosne i Hercegovine, koji predviđa uspostavljanje i funkcionisanje zajedničkih i međunarodnih komunikacionih sredstava, te čijim članom 1. stav (2) je definisano da: „**Komunikacije uključuju telekomunikacije, radio, emitovanje (uključujući kablovsku televiziju) i usluge i sredstva koja su s tim u vezi.**“

Članom 2. navedenog Zakona o komunikacijama definisano je da **emiter** označava pravno ili fizičko lice koje se bavi emitovanjem, a da **emitovanje** označava svako odašiljanje znakova, signala, teksta, slike, zvuka ili podataka od jedne do više tačaka putem žice, optičkih kablova, radijskim ili bilo kojim drugim elektromagnetnim putem, namijenjenih za opšti prijem od strane javnosti putem prijemnika koji su podešeni za tu svrhu.

Članom 14. Zakona o kantonalnim ministarstvima i drugim tijelima kantonalne uprave definisane su nadležnosti Ministarstva za prostorno uređenje, promet i komunikacije i zaštitu okoline, te je stavom (1) člana 14. propisano da: „*Ministarstvo za prostorno uređenje, promet i komunikacije i zaštitu okoliša vrši upravne i stručne poslove utvrđene Ustavom, zakonom i drugim propisima, koji se odnose na ostvarivanje **nadležnosti Kantona u oblasti prostornog uređenja, građenja, zaštite okoliša, komunalnih djelatnosti, prometa i komunikacija.***“, dok je stavom (2) istog člana propisano da: „*Ministarstvo za prostorno uređenje, promet i komunikacije i zaštitu*

*okoliša vrši upravne i druge stručne poslove koji se odnose na prvostepeni i drugostepeni upravni postupak po zakonima i aktima o provođenju tih zakona iz nadležnosti Ministarstva, **priprema zakone i druge propise iz nadležnosti Ministarstva.***“

U prilog ovome govore nadležnosti kako Ministarstva komunikacija i prometa Bosne i Hercegovine koje, između ostaloga, obuhvataju poslove iz djelokruga poštanskog saobraćaja, radio, **TV emitiranje** i informacionog društva, kroz Sektor Komunikacija i informatizacije, tako i Federalnog Ministarstva komunikacija i prometa čija nadležnost kroz Sektor elektronskih komunikacija i pošta koji obavlja stručne, upravne i druge poslove iz svog djelokruga rada, a naročito, između ostaloga, i u definisanju organizacionih formi preduzeća PTT i u saradnji sa nadležnim organima **i u RTV.**


Iz svega prozilazi da Ministarstvo za pravosuđe i upravu nema nadležnosti po podnesenoj Inicijativi, u ovoj fazi pripreme mišljenja i dostavljanja materijala za razmatranje na sjednici Vlade Zeničko-dobojskog kantona, te je potrebno da druge adresate ovog akta obavijestite o istom.

Ministarstvo za pravosuđe i upravu će svoju nadležnost ostvariti shodno članu 11. stav (2) Zakona o kantonalnim ministarstvima i drugim tijelima kantonalne uprave po dobijanju eventualnog Nacrta Zakona od strane resornog Ministarstva, ukoliko podnesena Inicijativa bude podržana od strane Vlade odnosno Skupštine Zeničko-dobojskog kantona.

S poštovanjem,

Dostaviti:

1x Naslovu,
1x a/a.



MINISTAR

Nebojša Nikolić

8284

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA
Stručna služba Vlade



Bosnia and Herzegovina
FEDERATION OF BOSNIA AND HERZEGOVINA
ZENICA-DOBOJ CANTON
GOVERNMENT
Expert Service of the Government

Broj: 02-1-02-19761-1/24
Zenica, 09.12.2024. godine

102
6
07
07-
Handwritten signature and initials

ZENIČKO-DOBOJSKI KANTON
MINISTARSTVO ZA PRAVOSUĐE I UPRAVU
N/R MINISTRA
MINISTARSTVO ZA OBRAZOVANJE,
NAUKU, KULTURU I SPORT
N/R MINISTRA
MINISTARSTVO ZA PROSTORNO UREĐENJE,
PROMET I KOMUNIKACIJE I ZAŠTITU OKOLINE
N/R MINISTRA

PREDMET: Inicijativa za donošenje Zakona o kantonalnoj televiziji
Zeničko-dobojskog kantona, podnositelja inicijative Škaljo Omera, poslanika u
Skupštini Zeničko-dobojskog kantona, *dostavlja se ...*

Poštovani,

Stručna služba Skupštine Zeničko-dobojskog kantona je, aktom broj: 01-02-19761/24 od 28.11.2024. godine, dostavila Vladi Zeničko-dobojskog kantona Inicijativa za donošenje Zakona o kantonalnoj televiziji, podnesenu od strane Škaljo Omera, poslanika u Skupštini Zeničko-dobojskog kantona, radi davanja mišljenja Vlade shodno odredbama člana 111. i 112. Poslovnika Skupštine Zeničko-dobojskog kantona.

Navedena inicijativa za donošenje Zakona o kantonalnoj televiziji **prosljeđuje vam se na postupanje kao ministarstvima koja, shodno svojim nadležnostim, trebaju participirati u pripremi mišljenja Vlade po Inicijativi, te je potrebno da u skladu sa odredbama Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21) dostavite usaglašen prijedlog zaključka sa mišljenjem, radi razmatranja istog na sjednici Vlade Zeničko-dobojskog kantona.**

Aktom Stručne službe Skupštine traženo je da se u propisanom roku od 30 dana dostavi mišljenje Vlade povodom podnesene Inicijative, te navedeno treba imati u vidu prilikom pripreme mišljenja i dostavljanja materijala radi razmatranja na sjednici Vlade.

Sugeriramo da koordinirajuću ulogu u procesu pripreme mišljenja i dostavljanja materijala za razmatranje na sjednici Vlade ima Ministarstvo za pravosuđe i upravu, ukoliko se ne

usaglasite da proces koordinacije izrade mišljenja i predlaganje materijala za razmatranje na sjednici Vlade preuzme neko od druga dva ministarstva .

Prilog:

- Kao u tekstu

Predmet obradila:

Nevezeta Rezaković, pomoćnik
sekretara Vlade

Hercegovina

Dostavljeno:

1x Naslovu,
1x Premijeru (na znanje),
1x a/a.





Broj: 01-02-19761/24
Zenica, 28.11.2024. godine

02-12-2024

03-12-2024
02-2 hf

- VLADA ZENIČKO-DOBOJSKOG KANTONA
n/r premijera Kantona
n/r sekretara Vlade
- ZAKONODAVNO-PRAVNA KOMISIJA SKUPŠTINE-svim članovima
putem Odjeljenja za poslove radnih i drugih tijela Skupštine i radno-pravne poslove-04

PREDMET: Inicijativa Omera Škalje, poslanika u Skupštini Zeničko-dobojskog kantona za donošenje Zakona o kantonalnoj televiziji – dostavlja se

U prilogu ovog dopisa, shodno odredbi člana 112. stav 1. Poslovnika Skupštine Zeničko-dobojskog kantona - Četvrti prečišćeni tekst («Službene novine Zeničko-dobojskog kantona», broj: 5/24), **dostavljamo Vam na mišljenje Inicijativu Omera Škalje, poslanika u Skupštini Zeničko-dobojskog kantona, za donošenje Zakona o kantonalnoj televiziji** koju je imenovani pokrenuo na 33. sjednici Skupštine Zeničko-dobojskog kantona održanoj dana 27.11.2024. godine, u okviru predtačke dnevnog reda: „Postavljanje poslaničkih pitanja i pokretanje inicijativa“.

S tim u vezi, podsjećamo da je odredbom člana 111. Poslovnika Skupštine Zeničko-dobojskog kantona, propisano sljedeće: „*Inicijativu za donošenje zakona može pokrenuti svaki poslanik Skupštine, radno tijelo Skupštine, Vlada, ministarstva i ostali kantonalni organi, kantonalna javna preduzeća i druga pravna lica, općinska vijeća, kao i građani i njihova udruženja*“.

Članom 112. stav 1. Poslovnika Skupštine Zeničko-dobojskog kantona propisano je da inicijativu za donošenje zakona predsjedavajući dostavlja Zakonodavno-pravnoj komisiji Skupštine i Vladi Kantona na mišljenje.

Molimo Vas da nam u propisanom roku od 30 dana, shodno odredbi člana 112. stav 2. Poslovnika Skupštine Zeničko-dobojskog kantona, dostavite mišljenje povodom navedene inicijative poslanika Škalje, kako bi se se po istoj mogla nastaviti provoditi odgovarajuća propisana procedura.

S poštovanjem,

SEKRETAR

Ibrahim Aylagić

PRILOZI: Izvod iz transkripta sa 33. sjednice Skupštine u kojem je sadržana inicijativa poslanika Škalje i inicijativa predata u pisanoj formi

DOSTAVLJENO:

3x Naslovu

1x Svim poslanicima Skupštine/(skenirano na e-mail adrese) /05-03

1x U spis predmeta/05-02 „R“



**IZVOD IZ TRANSKRIPTA SA 33. SJEDNICE SKUPŠTINE ODRŽANE 27.11.2024. GODINE
U KOJEM JE SADRŽANA POSLANIČKA INICIJATIVA POSLANIKA OMERA ŠKALJE**

Poštovani predsjedavajući, dopredsjedavajući, kolegice i kolege zastupnici, članovi Vlade, gosti i mediji sve vas pozdravljam. Ja imam jednu inicijativu u skladu sa članom 111. Poslovnika Skupštine Zeničko-dobojskog kantona za donošenje Zakona o kantonalnoj televiziji. Neću čitati obrazloženje, samo ću ovo priložiti. Hvala lijepo.

OMER ŠKALJO, zastupnik u Skupštini Zeničko-dobojskog kantona

Dana, 27.11.2024. godine

**ZENIČKO-DOBOJSKI KANTON
SKUPŠTINA
n/r predsjedavajućeg**

PREDMET: Inicijativa za donošenje Zakona o kantonalnoj televiziji

Na osnovu člana 111. Poslovnika Skupštine Zeničko-dobojskog kantona-Četvrti prečišćeni tekst („Službene novine Zeničko-dobojskog kantona“, broj: 5/24), **podnosim Inicijativu za donošenje Zakona o kantonalnoj televiziji, iz razloga navedenih u obrazloženju ove Inicijative.**

OBRAZLOŽENJE:

Imajući u vidu činjenicu da skoro svi kantoni u Federaciji Bosne i Hercegovine imaju svoje kantonalne televizije, kojima se značajno poboljšava medijsko praćenje rada kantonalne Vlade i kantonalne Skupštine, te upoznavanje građana Kantona sa radom istih i time doprinosi njihovoj većoj informisanost o načinima ostvarivanja njihovih zakonom utvrđenih prava, kao i boljoj informisanosti privrednih subjekata o raznim poticajnim i drugim mjerama usmjerenim u cilju pomoći privrednom sektoru, podnosim ovu Inicijativu kojom predlažem da se i u Zeničko-dobojskom kantonu osnuje kantonalna televizija. Smatram da za osnivanje kantonalne televizije postoji neophodna potreba, te da će formiranje iste biti od velike koristi za cijeli Zeničko-dobojski kanton, sve njene građane i privrednike.

Procesi demokratizacije i tranzicije društva na području Federacije Bosne i Hercegovine i Zeničko-dobojskog kantona nalažu potrebu osiguranja prava građana na objektivno i profesionalno informiranje o događajima od opšteg interesa. S ciljem zadovoljavanja te potrebe smatram da je nužno formiranje Javnog servisa Kantonalna radio-televizija. S tim u vezi napominjem da inicijativa o formiranju Kantonalne radio-televizije u Zeničko-dobojskom kantonu postoji od perioda formiranja Kantona.

Zeničko-dobojski kanton čine 9 općina i 3 grada koje se nalaze na komunikacijski raznolikom geografskom prostoru. Naime, u razmatranju inicijative za formiranje Javnog servisa Kantonalne radio-televizije u Zeničko-dobojskom kantonu ne možemo zanemariti geografski položaj Kantona. Formiranjem Javnog servisa bi se obzirom na činjenicu o teritorijalnoj razduženosti općina odnosno gradova, (posebno općina na rubnim područjima Kantona: Usora, Tešanj, Doboju Jug, Olovo, Breza, Grad Visoko i Vareš), postigao osnovni cilj objektivnog informiranja građana na području cijelog Kantona.

Javni servis Kantonalna radio-televizija bi trebao nepristrasno i objektivno informisati građane o događajima i pojavama od javnog interesa u općinama, Kantonu, zemlji i inostranstvu. Javni servis bi trebao poštovati i podsticati pluralizam političkih, religijskih i drugih ideja, te omogućiti javnosti da bude upoznata sa tim idejama. Projekat formiranja RTV, čiji program bi se emitirao na području cijelog Zeničko-dobojskog kantona, je društveno opravdan jer bi se medijski približile i komunikacijski povezale sve općine na području Kantona.

Postoji objektivna društvena potreba za osnivanjem Javnog servisa Kantonalna radio-televizija, za što je preduslov donošenje Zakona o kantonalnoj televiziji.

**PODNOŠILAC ZAHJEVA:
ZASTUPNIK SKUPŠTINE**

Omer Škaljo